



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iosephi Mariae Svaresii, Episcopi Vasionensis, Praenestes
Antiqvae Libri Dvo**

Suarès, Joseph Marie

Romae, 1655

De Praeneste Colonia, & Municipio. 21

urn:nbn:de:hbz:466:1-11894

De Præneste Colonia, & Municipio.

CAPVT XXI.



REGNUM fuisse olim Prænesten constat ex Herilo eius Rege, quem Euander strauit, Virgiljo teste versibus superius laudatis: qui Feroniæ filius erat. Feronia autem Nympha Campaniæ, Dea Libertorum, cuius in templo pileum raso capite accipiebant, e Plauto in Amphitrione. in huius tēplo Tarracinae sedile lapideum fuit, cui versus iste incisus erat: *Benemeriti serui sedent, surgent liberi.* Varro Libertatem Deam quasi Fidoniam dictam putat, vti Seruius adnotat. Fuit postea colonia Albana. regnante quippe Latino Siluio Alba deductæ sunt coloniæ, Præneste, Gabij, Tusculum, Cora, Pometia, Locri, Crustumium, Cameria, Bouillæ, cæteraque oppida circumquaque, quemadmodum refert Auctor Originis Romanæ gentis e veteribus auctoribus collectæ; siue ille Sextus Aurelius Victor est, vti tradit Andreas Schottus, siue alius: earumque ciues prisca Latini dicti sunt, teste Liuius: qui Latino Siluio Ascanij filio colonias aliquot deductas asserit. at Latinum Siluium fratrem Ascanij, & filiū Aeneæ posthumum e Lauina filia Latini, Albæque secundum Regem tradit Dionysius Halycarnasæus Iulo filio Ascanij prælatum. Albæ Siluius deinde regnat Ascanij filius, casu quodam in syluis natus, is Aeneam Siluium creat: is deinde Latinum Siluium, ab eo Coloniae aliquot deductæ, prisca Latini appellati. Latinum regem Laurentum memorat Bonifacius ex Vbertis Florentinus vernaculis his versibus Prænestes cōditorem, siue potius Coloniae ductorem.

L. 7. c. 13. Dic. mundi

*La Città de Preneſtre fecie all'hora**E' per Lauina hedificoe Lauino,**E Re tre anni e ſei meſi dimora.*

L. 17. c. 15.

In Coſmograph.

L. 16. c. 13. Noſt. Attic.

Merula, & God- leu. in 8. l. Liuij.

L. 4. Gen. dic. c. 19.

Postea cum Latio vniuerso Præneste quoque in Romanorum potestatem cōcessit. ab hisce Q. Fabio Maximo V. & Q. Fulvio Flacco III. Cōſſ. xxx. Colonias deductas testatur Liuius, quibus tamen Præneste non accenſet. vnde Coloniam a Romanis eo tantum deductam post Bellum II. Punicum colligo. Non desunt qui Coloniam deductam a Sylla opinentur, vti Manutius l. de Ciuitate Rom. Antiqui certe lapides litterati, quos superius exhibui, & quos Paulus Merula profert, Prænestinam Coloniam nuncupant; sed incertum tempus deductionis ipsi Merulæ. Municipium postea fuit. nam Prænestinos refert Diuus Hadrianus in Oratione quam de Italicensibus, vnde ipse ortus fuit, habuit in Senatu, maximopere a Tiberio Imperatore petiisse, orasseque vt ex Colonia in municipij statum redigerentur, idque illis Tiberium pro referenda gratia tribuisse, quod in eorum finibus sub ipso oppido ex capitali morbo reualuisset. A. Gellio teste. Atque hac de causa in Sexti Iulij Frontini libello de Colonijs, Neruæ Imp. tempore scripto, Præneste non Colonia, sed oppidum simpliciter appellatur. Festus autem, siue epitomator eius Paulus Diaconus, hæc scribit: *Tertio municipium desinitur id genus hominum, qui ad ciuitatem Romanam ita venerunt vt essent municipia sua cuiusque Colonia, vt Tiburtes, Prænestinique, &c.* Ex his Tibur, & Præneste, quæ Ciuitates foederatæ Latinæ erant, & Arpinum municipium suis legibus relicta sunt, aliæ Coloniae deductæ erant. Fuscus autem de Municipibus Prænestinis agit Alexander ab Alexandro. probatq. id insertum parieti Ecclesiæ Cathedralis Prænestinæ epigramma.

GEN.

GEN. MVNICIP.

C. TALONIVS. CYPARVS

PATER. ET

C. TALONIVS. CYPARVS

FILIVS

D. D.

Primi qui Romani ciues renuntiati fuerunt e Latinis populis, cum illi defecissent, ab Appiano dicuntur Tiburtes atque Prænestini: Municipales tamen remanserunt suæ Ciuitatis. Erant autem liberi, neque solum foederati antea, cum exulibus Romanis Prænestæ commorari liceret, vt antea obseruauimus e Polybio, & honoris cum Populo Romano participes: Diætatura nempe gaudebant.

L. 2. Bell. Ciuil.

Regius pempt. 1. Tiburt. Hist.

Idem l. 2. c. 6. pempt. 1. Et l. 3. c. 1. ex Liuius l. 23. & 42.

De rebus gestis a Prænestinis ad annum

V. C. CCCLXXIV.

CAPVT XXII.



I lubeat urbem introspicere, atque res domi forisque gestas pernoscere, politiam urbis inquirere decet. sub Regulis, seu Toparchis primum administrata fuit.

Ex his Herilum vnum nouimus, cui tres animæ fuere. de illo iam supra egimus. postea Colonia eo ex Alba deducta Albanis Regibus paruit. sed Albæ regno Romam translato, euersaque Alba mansit in Latinorum foedere seu Republica. Apud Dionysium Halycarnasseum Tullus Fufecius Albanum sic alloquitur.

L. 1. Antiq. Rom.

Γχαναί δὲ τεκμηριώσαι τὸ κράτος αὐτῆς πολλὰὶ πόλεις ἐκ τῶν Λατίνων ἔσαι γένοιτο, καὶ τὴν κτίσιν ἀφ' ὑμῶν ἔχουσαι, καὶ τὴν ὑμετέραν ὑπεριδέσαι πόλιν, ἢ αὖν θεωροῦναι χωρήκασαι.